

淳化县志

一
函
五
冊

淳化縣志卷六

知縣事南州萬延樹重纂

道里記第四

秦道里

三輔黃圖秦林光宮仙人觀緣山谷行至雲陽三百
八十里入右扶風周回五百四十里 括地志秦之
林光宮漢之甘泉在雍州雲陽西北八十里

漢道里

漢舊儀通天臺去長安三百里望見長安城 漢官
儀注同 玉海云關輔記甘泉宮周十九里去長安
三百里括地志雲陽城在雍州雲陽縣西八十里

唐道里

元和郡縣志京兆府東至東都八百三十五里東至
華州一百八十里東南至商州二百六十五里南取
庫谷路至金州六百八十里西南至洋州六百三十
里正西微北至鳳翔三百一十里西北至邠州三百
里東北至坊州一百五十里正東微北至同州二百
五十里雲陽縣西南至府一百二十里漢雲陽故縣
在縣西北八十里

宋道里

太平寰宇記雲陽屬耀州州正東偏南至東京一千
二百里正東偏南至西一百六十里東至同州一

百八十里西至邠州三水縣界一百二十里南至永
豐軍一百六十里北至坊州一百八十里東至華州
一百八十里西南至永興軍涇陽縣界六十七里東
北至坊州宜君縣界八十三里西北至邠州一百八
十里雲陽縣在州西南七十里 長安志縣境東西
七十里南北一百二十里西南至京兆府一百二十
里

明道里

明史地理志邠州東南距府三百五十里淳化縣在
州東南 明萬歷中邠州志州東南至西安府正南
鳳翔府正西至平涼府北至慶陽府俱三百五十里

東至涇陽縣二百八十里東南至永壽縣七十里南
至麟遊縣一百二十里西南至靈臺縣一百二十里
西至涇州一百八十里西北至寧州一百四十里北
至真寧縣八十里東北至宜君縣一百六十里淳化
縣西北至州一百四十里

國朝道里

陝西通志邠州治在布政司西北三百二十里淳化
縣在州東少南一百四十里東至耀州界四十里西
至本州界四十五里南至醴泉縣界四十里北至三
水縣界四十五里東南至涇陽縣界四十里西南至
南莊村醴泉縣界五十里東北至孟侯村耀州界四

十五里西北至二十里原三水縣界四十里距

百六十里編戶六里東至耀州治九十里西至本

州治一百四十里南至醴泉縣治一百二十里北至

三原縣治一百里東南至涇陽縣治九十里

十四

原
书
缺
页

淳化縣志卷七

知縣事南州萬廷樹重纂

戶口記第五

秦徙雲陽五萬家

史記秦始皇本紀三十五年徙五萬家雲陽復不事
十歲

漢雲陵徙戶

漢書昭帝紀始元四年夏六月徙三輔富人雲陵陽
錢戶十萬 外戚傳雲陵邑三千戶

明淳化戶口

明州志淳化縣戶二千五百四十八口三萬三千一

百五十三

國朝淳化門丁

舊志原額三門九則不等共折下下門九千八百三
丁每丁徵銀一錢二分六釐九毫四絲四忽九微除
優免三百八十五丁實行差九千四百一十七丁順
治七年九月督撫彙題奉

旨豁免逃亡六千五百三十六丁又前年蠲除未絕
丁一千一百五十八丁外招回并查出五百二十五
丁通計實在下下門丁二千二百四十八丁 陝西
通志雍正五年以糧數丁共均可銀一千九十五兩
八錢九分八釐二毫三絲三忽八微七纖七塵五渺

清化縣志卷八

知縣事南川萬廷樹重纂

風土記第六

士農

舊志科目不及諸大邑然士多苦志篤於誦讀長吏之庭無茂才投謁僧寮道宇皆設蒙塾農務耕耘勤力作卽列子矜恒操耒耜所患饑寒往往輕去其鄉未能概勸以開墾之利

工商

舊志樸斲塗茨率皆蠶率無淫巧粉飾之習商旅不通亦鮮資本逐末貿易

婦女

舊志雖紡績亦踈而閭閻嚴謹街衢間平日無行蹤
倡伎久經驅逐尤爲前人善政

僧道

舊志寺觀寥寥闔邑止二三人遊方亦絕不至

屋宇

舊志繩樞圭竇比戶類然山崖間大都穴居

飲食

舊志飯惟菽粟尤以麥爲常飲祇淡醪卽雞豚多畜

宰烹亦鮮

服飾

舊志男婦貴賤皆布素絕不見綺紈紗縠之飾故鄉
無質庫過者知爲積負

婚嫁

舊志婚禮簡易城中無肩輿無鼓吹音樂更喜無優
人惟賓神招自鄰縣則間行之

喪葬

舊志舉殯引紼之禮久絕蓋習俗爲常非如通都大邑
偷喪貽笑惟寒食焚衣子孫拜掃其葬穴多在巔崖
婦女亦遵行不廢

宴會

舊志戶鮮百金之產故流連燕飲之習絕稀間行吉

禮以饗饎爲供親朋分食之蘆酒亦名嘔嘛注水爲
汁用筒各吸至味盡乃止朋酒羔羊猶覺古幽風之
侈也

物產

五穀

舊志多爲上粟次之菽與蕎麥又次之欲得稻米必
購自他邑民鮮知味者

菜蔬

舊志蔥蒜韭芥菠薐蔓菁蒿苣茄子蘆菔瓠盧其種
頗饒冬菜尤多藏窖中經春不壞

瓜果

舊志棗栗榛柿桃李梨杏石榴核桃諸類俱有黃瓜
冬瓜甜瓜俱自他產七八月西瓜有大如斗者

花木

舊志牡丹芍藥爲冠秋菊多品桃李梨杏外玫瑰鶯
栗薔薇長春蛟蝶虞美人紫茉莉月季花亦楚楚爭
勝俗呼葵爲大葉花一種黃如盤曰向日葵又名固
本花惟梅則鄰邑植之此地絕少其梧桐榆槐椿多
歷年久竟未見蒼松惜桑亦間有而執筐之業久廢
羽毛

舊志鵝鴨雞雉皆供食外如鴉鳩鴈鶻獨雀多鵲少
燕亦希至民以驢騾爲生產牛羊豬犬鹿兔皆不乏

間有獲狼虎者遠山數林弋而取之

藥品

舊志柴胡蒼朮防風黃芩麻黃牽牛白茯苓車前子
大都產山谷中雖小苗香徧地皆生故爲賤種州志
縣有枸杞今則必取自他郡其他藥味頗多類仍外
志所載以存其槩

淳化縣志卷九

知縣事南州萬延樹重纂

祠廟記第七

黃帝圖邱

漢儀注甘泉黃帝已來圖邱祭天處
陝西通志圖邱在甘泉山下黃帝祭天處也

漢秦時

已見上
陝西通志秦時在甘泉山下漢元鼎五年立

漢休屠金人祠

漢書地理志雲陽有休屠金人及經路神祠三所音

義曰匈奴祭天處本雲陽甘泉山下秦奪其地後徙
休屠右地 師古注漢武帝得休屠祭天金人祠諸
甘泉以爲天神主

漢徑路神祠

已見上 長安志徑路神祠在甘泉山下

漢越巫姑鄭祠

漢書地理志雲陽有越巫姑鄭祠三所孟康曰姑音
辜磔之辜越人祠也鄭音襍 亮吉曰今本漢書姑
作貼誤今改正

漢武帝廟

太平寰宇記雲陽縣漢武帝廟在縣西北一百里